

八瓊室金石補正

八瓊室金石補正卷九十九

太倉陸增祥撰

男 繼輝校錄

吳興劉承幹覆校

宋 十八

太常博士周堯卿墓碑

高五尺六寸廣二尺九寸十八行
行四十字字徑寸許正書在永明

宋故進士累官至太常博士厯連衡二州司理叅軍桂
州司錄知高安□化二縣事通判饒州贈金紫光祿大
夫周公諱堯卿府君神道并墓誌文

嘉祐三年翰林院侍讀學士知制誥史館脩撰歐陽

修□謨書 屯田員外郎弟燮立

有篤行君子曰 周君者孝於其親友於其兄弟居父
母喪與兄萬弟燮居於倚廬不飲酒食肉者三年其言
必戚其哭必哀除哀而癯然不能勝人事者蓋久而後
復自孔子居魯而魯人不能行三年之喪其子弟疑以
爲問則非魯而他國可知也孔子沒而後世又可知也
今□之人知事其親者多矣或居喪而不能哀者有矣
生能事死能哀或不知喪禮者有矣或知禮而以謂喪
主於哀不必合於禮者有矣 周君者事生盡孝居喪
盡哀而以禮者也禮之失久矣喪禮尤廢也余居喪惟

仕宦婚嫁聽樂不違此法令之所禁若其哀麻之數哭泣之節居處知別飲食知變皆莫知夫有禮也在上位者不以身率其下在下者無所望於其上殆廢矣乎故吾於周君有所取也君諱堯卿字子俞道州永明人也天聖二年舉進士累官至太常博士歷連衡二州司理叅軍桂州司錄知高安甯化二縣通判饒州未行於慶厯六年六月朔日卒於朝集之舍享年五十有三皇祐五十□年勅塋於道州永明紫微岡曾祖諱知旺祖諱德崇父諱仁遂贈都官郎中母唐氏贈仙遊仁壽縣君妻黃氏封金□縣君學長於毛鄭詩左氏春秋家

貧不事生產喜聚書史官錄雖薄常分俸以贖宗族□
友有慢已者必厚爲禮以餽之其爲吏所居皆有能政
有文集二十卷 君有子七人曰諭鼎州司理叅理軍
司曰詵潮州歸安主簿曰謚曰□曰說曰諲曰誼皆未
仕有女一人出適嗚呼孝非一家之行也所以移於事
君而忠仁於宗族而睦交於朋友而厚施於爲政而篤
始於一鄉推之四海表之金石□之後世而勸考君之
所以見於是無不可以書也豈獨俾子孫之不隕也哉

歐陽修撰皇祐五年在永明紫微岡

道州新志

案居士集墓碑作墓表道州新志題銜誤作金紫光祿大夫今改正堯卿永明人見宋史儒林傳卒於慶厯五年据墓碑卒於是年六月至皇祐五年始葬耳

湖南通志

古墓碑亦有全書生平所歷官者然碑題稱名諱則宋人所罕見又文內稱君而題稱公且得贈不在撰碑之日而追題於上其爲子孫重刻無疑其曰神道碑并墓誌文或當日本有兩碑後失其一耳案縣志子俞子謹官翰林誼官待制孫紳直祕閣官階恐尙多佚載金紫光祿以何人推贈事無可考攷宋史金

紫光祿乃正三品階封贈二代者得贈金紫光祿必
官尙書始得此贈則或周紳官也

金石
審

案周子俞墓在桃州所城外五里許紫微岡墓碑被
雷擊中斷十五行各裂損一字其文後餘石五六寸

亦擊碎不知更有字否

永州
府志

湖南省府志載此碑而未錄其文茲据打本錄之
宗氏謂其子孫重刻校文內皇祐五年祐作佑五
下又多二字鼎州司理叅軍作鼎州司理參理軍
司皆重刻之誤

唐宋加號文宣王詔贊碑

高四尺六寸廣二尺九寸廿六行行五十圓至六十一字不等字徑五分餘正書篆額橫列題唐宋加號文宣王詔贊九字在中江

唐明皇帝加號先聖文宣王詔

邑人楊遵甫書

在標題下

門下洪我王化在乎儒術孰能發揮此道啓迪含靈則生人已來未有如夫子者也所謂固天攸縱將聖多能德配軋坤身揭日月故能立天下之大本成天下之大經美政教移風俗君君臣臣父父子子人至于今受其賜不其猗歟嗚呼楚王莫封魯王不用俾夫

大聖纔列陪臣棲遲旅人固可知矣年祀浸遠先靈益

彰雖大有褒稱而未爲崇峻不副於實人其謂何朕以
薄德祇膺天命思闡文明廣被華夏時則異於今古情
每重於師資旣行其教合旌厥德爰申盛禮載表徽猷
夫子旣稱先聖可追謚爲 文宣王宜令三公

持節冊命應緣冊及祭禮所司速擇日并撰儀注進其
文宣王陵并舊宅之廟量加灑掃用展誠敬後嗣
可爲文宣公至如辨方正位著自禮經苟非得所何以
示則昔緣周公南面 夫子西面今位旣有殊坐豈
仍舊宜補其墜典永作成式自今已後兩京國子監
夫子南面而坐十哲等東西列侍天下諸州亦宜准

此且門人三千見稱十哲包夫衆美實越等夷暢至聖
之風規發人倫之耳目並宜褒贈以寵賢明顏子淵既
云亞聖湏優其秩可贈充公閔子騫可贈費侯冉伯牛
可贈鄆侯冉仲弓可贈薛侯冉子有可贈徐侯仲子路
可贈衛侯宰子我可贈齊侯端木子貢可贈黎侯言子
游可贈吳侯卜子夏可贈魏侯又夫子格言參也

稱魯雖居七十之數不載四科之目頃雖未參於十哲
終式宜殊於等倫允稽先旨俾循舊位可贈成侯庶乎
禮得其序人焉式瞻宗洙泗之丕烈重膠庠之雅範布
告中外咸使聞知主者施行開元二十七年八月二十

四日

先聖文宣王贊

猗歟夫子

寔有聖德

其道可尊

其僕不

貳

□□□□

百王取則

吾豈匏瓜

東西南北

顏回贊

杏檀槐市

儒術

三千

回也亞聖

邱也稱

賢

四科之首

百行之先

秀而不實

得無慟焉

曾參贊

百行之口

三寸以教

聖人敘經

曾氏知

孝

全爲子口

動稱容兒

事親事君

是則是効

皇宋加號至聖文宣王詔

王者順考古道懋建大猷崇四術以化民昭宣教本總
百王而致理丕變人_文方啓迪於素風思肇揚於鴻烈

先聖文宣王道膺上聖體自生知以天縱之多能

實人倫之先

_覺

元功侔於簡易景鑠配乎貞明惟列辟

以尊崇

_爲

億載之師表肆朕寡昧欽承命庥曷嘗不遵

守彝訓保乂中區屬以

_祇

若元符告成喬嶽

_觀

風廣魯

之地飾駕數仞之墻躬謁遺祠懷遐躅仰明靈之如

在肅奠獻以惟寅是用徵簡策之文昭聰叡之德率舉

追崇之禮庶伸嚴奉之心備物典章垂之不朽誕告名

士昭示朕懷宜迨謚曰 至聖文宣王祝文特進署

仍令所司擇日備禮冊命并修飾祠廟祭器其廟內制

度或未合典禮並令改正給近便五戶以奉塋域仍差

官以大牢致祭故茲詔示想宜知悉大中祥符元年十

一月 日

至聖文宣王贊并序

若夫 檢玉介邱迴輿 闕里緬懷於 先聖躬謁於嚴祠

以爲易俗化民既仰師於彛訓宜益峻於徽章增薦崇
名聿陳明祀思形容於盛德爰刻鏤於斯文贊曰
立言不朽垂教無疆昭然令德偉哉素王人

倫之表帝道之綱厥功實茂其用允臧升中

既畢盛典載揚洪名有赫懿範彌彰

缺中丞知遂州蓬溪縣事騎都尉王荀龍篆

將仕郎守中江縣尉王奉先

缺知中江縣事兼兵馬監押張寅將仕

郎守中江縣主簿寶淵

至和元年甲午歲十二月望日益州進士楊天成

金石錄卷之二十一

希古樓刊

立石

雙行在上
銜名下方

懷安軍句可賢

刊

在標
題下

宋詔贊曲阜有碑萃編載之惟至聖作元聖為不
同耳碑石泐處据三巴香古志補注於旁譌者正
之闕者補之

火星巖題刻十段

在零陵

柳拱辰尹瞻聯句詩

高二尺八寸四分廣一尺一寸
六分十二行行十五字字徑一

寸四五
分正書

尙書職方貢外郎知永州柳拱辰同尙書比部貢外郎
通判永州尹瞻暮春遊火星巖聯句詩

千里熙醕政靈巖喜訪尋

瞻

登亭雲擁座

裴

穿徑筍成

林瞻

樂逐天風遠

蒼

塵隨宿霧沈

瞻

綺羅紅作隊冠蓋

綠交陰

瞻

下顧關河小寒知洞壑深

蒼

松枯存舊節花

老見初心

蒼

旌榮嵐光潤罇壘野氣侵

瞻

朋遊散雅契

吏隱共知音

蒼

愧翁歸拙難攀子厚吟

瞻

城樓傳晚

南

陌騎駸駸

蒼

至和三季丙申閏三月二十五日

右刻前人未見至和三年即嘉祐元年是年九月

改元嘉祐詩云愧翁歸拙難攀子厚翁歸尹瞻

自謂子厚謂柳拱辰也

尹瞻詩

高一尺一寸廣一尺七寸五分銜名一行十四字詩八行行七字字徑一寸四分正書

尙書比部員外郎通判永州事尹瞻

郡古時和諍訟銷使君乘興忽相招
畫舫載妓遊巖寺
紅旆搖風過野橋
就石開樽偃樹脚
撥雲策杖上山腰
鳴騶未許歸城去
遠望寒林隔水□

右刻亦前人未見無年月卽系前詩之後所謂使
君者當卽柳拱辰也詩有畫舫載妓語詩酒風流
猶有香山眉山雅致當時未有是禁耳石近剝泐
拓亦不精諦審三四頗竭目力而末一字尙未敢
定焉

柳應辰題記

高三尺二寸廣一尺七寸九行行
十六字字徑一寸六七分正書

昭昭兄至和中以職方貢外郎來守零陵宣布條

詔百廢咸治建州學問教化之本作土風記盡民俗之事乘暇數爲火星巖之遊磨崖題詠於此爲多竊觀暮春聯句尤極佳思研鍊精切傳布人口熙甯七年應辰亦以職方通理茲郡徧覽遺跡惻然追感噫相去二十二年矣悠悠歲時人不可見江山風物甯有異於當年每到躋躡久不忍去武陵柳應辰明明記

右正書九行在零陵城西南一里火星巖向來頗少椎拓文內昭昭兄卽指柳拱辰也本蓋本字說文从木一在其下此乃從十則當時俗書也

留雲龕金石審

記云建州學案通志云府學在府城西南舊在府城外唐刺史韋宙建後遷愚溪宋至和中郡守柳拱辰遷建城東高山之麓與此正合記又云作土風記通志永志藝文均不載是其書之不傳於世久矣然亦當存其目也可據補之記又云磨崖題詠於此爲多知昭昭尙有它刻且不止一二段當再託友搜剔之暮春聯句亦近時始顯可見古刻之留存天壤者尙多特無人繼求之耳

蔣僅題名

高一尺九寸七分廣一尺一寸二行行五字字徑三寸餘正書

蔣僅履遊元豐乙丑題

萃編及通志均載潛巖一刻此在火星巖又一刻也通志云案零陵縣志作朝陽巖題名永州府志云三巖文並同省縣志特各舉其一耳乙丑爲元豐八年

程敏叔等題名

高一尺七寸五分廣三尺三寸五分七行行四字字徑三寸四分五分正書

程敏叔劉資明邢和叔元祐七年九月二十日自朝陽

洞過此試茶

右行楷書七行在火星巖字已蝕損案巖側昔有火

星觀故可品茶今則荒煙頽石游蹟罕到矣

留雲金
石審

董居誼記并詩

高五尺二寸廣四尺四寸五分廿二行行廿八字記十六行低一格字徑

一寸三四
分行書

余謫寓永州

常杜門

不出

適

秋晚氣

清約領衛鍾子

正偕館賓陳叔宜

邱積夫

□興□□

同訪宅仙洞洞

之下舊有群玉山漫莫省其處山中道士云

僻

在山

之陰

崖蘚

中猶有字刻可

辨荒

蔽爲甚人跡罕到余

亟與同來二三

客

隨其所之極其所止而休焉徘徊

四顧怪石林立峭拔

透邃

入眼成畫去東南十許步

有隙如扉疑通平山之巔而叢篁蔓棘雜錯相拒不

可著足未免俯僂攀援而升山回路轉巖竇畢露爭

奇獻巧應接不暇出而舉手相賀凡一山高下妙處

皆了然在吾人胷次矣繼而約副將趙聲遠循前日之所經歷命斤誅穢隨勢取蹊以達于山之趾後月餘又得翻經臺故基以據于山之會盡取當時造化融結之功貫而爲一自是無入而不自得或謂此山距郡城能幾豈無前輩題品而湮沒經歲若無聞焉何耶余曰天下事久則廢廢則興如環無端不容終詰者不獨此山也余今日幸而與之相遭苟弃之而弗顧則此去興廢又未可量宜立游亭以昌厥後爰囑聲遠爲董其事越旬日而成因賦五□詩於其上遂爲山中復此一段奇觀然人之好惡不同物之隱

見有數更數十年後又安能保興廢何如哉煙霞痼疾不能自己度不滿識者一笑臨川董居誼仁甫

羈寓零陵過一年每憐兩脚負山川忽從榛莽窺神祕似與仙家有宿緣石刻嘉名歲月多苔封蘚蠹欲消磨天成有景無人問不著新亭柰爾何浮世囂塵不可干漫山琮璧照人寒客來莫認爲頑石具眼還須作玉看頃年曾入道山來天上圖書不受埃今日有懷群玉府又從人世得蓬萊經臺石磴鬱深幽曲折中藏自一邱盤破藩籬都是路從今任是永人遊

嘉定十三年冬十月甲子

右刻行書二十四行首二行全蝕記文上截爲雨溜
所侵削字多隱約後半尙明顯可讀也縣志僅載一
詩今得五首因并錄之

留雲龕
金石審

通志失載永志僅錄其詩題云羣玉山詩記而石
刻實在火星巖雲洞也蘇靈永志誤作蘇剝又通
志載此記於山川作宅仙洞記永志載此記於名
勝以爲群玉亭記其與石刻異者備述於後余謫
寓永州之前有零陵縣西二里爲羣玉山巨竹蕭
森古木蟠曲怪石萬狀地勢清勝一郡之奇觀也
卅二字而石刻無之常杜門通志誤作嘗邱積夫

下石刻尙有四字惟興字可辨而志均無之山之
陰崖下通志多一苔字此字雖已殘泐諦審之崖
字及下蘚字均不誤也隨其所之隨永志誤作從
十許步永志作十步許疑通乎山之巔疑永志作
竅相拒永志誤作距山回路轉通志誤作山路四
轉巖竇永志缺巖字皆了然通志無皆字以達于
山之趾句志均無之翻經臺下通志多一之字以
據于山之會句及下不自得之自字志亦均無之
能幾志均作甚邇題品均作品題何耶均作何也
不容均作不可相遭均作相遇弗顧均作不顧此

去均誤作去此越旬日上均無爰囑聲遠爲董其事八字越永志作閔五□二字通志無永志作一小字五下似是愁字然未敢定也遂爲山中句通志無永志少遂字更數十年之後志均無之字又安能保興廢何如哉通志保下多其字永志能作得何誤刻作徑瘠通志作錮滿永志作免又凡余字通志皆作予

鍾子正和詩

高二尺六寸廣二尺一寸五分十五行
行二十字序七行低一格亦二十字字

徑寸
行書

山有奇觀地之靈也然非經大賢題品則亦不顯永

之群玉山昔固嘗有鐫字以紀名者後復湮廢今歲

□□□□□□

實陪侍郎先生披荒訪古山神拱饗

爲獻竒恠遂建亭臺以□壓之爲詩章以黼黻之吾
知山之勝蹟自此足以播佳名於不朽與浯溪淡岳
相爲伯仲雖欲晦之而不可得□敬借嚴韻爲

先生賀云 門生鍾□惶恐百拜上

坤維借重屢經年咳唾珠璣散四川底事杖藜瀟水上
只因泉石要攀援 石涵溫潤秀峯多元費天工巧

琢磨荆棘滿山煙雨暝時人不復記云何 山靈有

意巧相干遊賞前盟恐久寒多謝經營臺與館不將玉

石混淆看

主人領客渡江來
車馬駢填漲霧埃
祗

恐考槃成趣後
得賢將復詠臺萊

□□□□□
遍尋

幽作記拳拳賀小邱
若使蚤知群玉

□□□□□
紀清

遊

右鍾子正和董仁甫詩與前刻同時上石前刻有

約領衛鍾子正語此刻鍾下字已漫滅蓋卽子正

之名浯溪有鍾興嗣詩是年孟秋所作或卽其人

歟至所稱侍郎先生者卽董居誼也居誼嘗爲四

川制置使故詩內有咳唾珠璣散四川之句第五

首指柳柳州而言此刻前人未見

董鴻道題記

高二尺七寸廣二尺三寸五分十
七行行廿四字字徑八九分行書

嘉定庚辰冬十一月日南至鴻道自臨川來省親零
陵一見語鴻道曰予近從榛莽中得群玉一山之勝結
亭其中將與汝落成之越二日侍嚴君由朝陽巖過
宅僊洞至其地徘徊亭上怪石環列私自臆度此邦勝
處恐似是亦多猶未以爲異也繼而由鳳石登前山之
巔凭高眺遠江山城市了然在目而心始異之後復由
石門上翻經臺屹然一石與臺相對擬名之以香爐峯
臺之下疊石如芝又擬名之以芝巖嚴君皆然之飯
已聽琴道庵抵暮方還越三日領衛鍾公又約遊淡巖

數語

日 月 火 水 木 金 土 星

行書十七行案竄字訪碑錄有董鴻道浯溪詩已載
入此刻但見其名鴻道而年月皆合然浯溪並未見
有董鴻道詩豈即此刻之誤耶

古泉山館
金石文編

右石在羣玉山前近青蓮臺行書十七行字法如率
更鴻道不著姓案當時臨川董居誼闢羣玉山鴻道

其子也

留雲壺
金石審

右刻亦在雲洞得群玉一山之勝群通志誤刊作
郡亭上之亭永志誤作口亦多之亦誤作甚嬖戀
通志誤作迷惑永志誤作係戀方群玉落成永志
脫方字迨羣巖經理志均只有羣巖二字此下通

志缺六字并缺首字永志缺十一字有宿緣乎之
上永志作之字審之似是亦字宿永志誤作獨此
下永志全缺通志缺數語之崖石五字又誤而爲
云下亦全缺鴻將歸數語五字雖已損泐形模具
在爰補錄之日下似尙有五六字而無一可辨矣
文云留僅兼旬則此刻在十二月

馬德元等題名

高一尺二寸五分廣一尺四寸五分
分六行行六字字徑二寸許正書

錦城馬德元伯忱清湘寶全器宗叟古洪趙時演德綸
廬陵王國望介圭咸滄丙寅仲春同游

右正書六行案寶字下從賈蓋本說文寶字而誤以

土下八連下成賈耳宗室世系表時愼爲魏王廷美

次子廣平郡王德隆八世孫

留雲盒
金石審

案石刻實字並非从賈特四中兩直連貫於上耳

丙寅爲咸淳二年

佚名題記

高一尺六寸廣一尺二寸九
行行十五字字徑寸許正書

[illegible]

□□□下躬其宇則荒涼望其林則翳□履其涂則崎

嚙□□□有□人□□□而結廬□□洒掃以奉香

火至於創建殿閣煥然一新種植林木鬱然而茂□□

前達渡□昔之道路險

阻

平

三孫侍行

右刻前人未見在火星巖前後多漫滅年月姓名俱已無見文有奉香火創建殿閣語當是記火星觀事宋人手筆也盧臧詩序有往時黃冠師宅其側塑火星像爲人所福今宇壞基存緇徒構宇而居云云卽火星觀也觀之興廢莫由攷其歲月附宋末

右火星巖題刻十段鄴人譚仲維振綱拓以見貽

仲維喜蒐石刻能自縋幽涉險故多前人未見之

品據永志所載巖尙有丙寅秋社寶宗叟題名淵
冲子題記兩刻則猶未得也一統志火星巖在縣
西南方輿勝覽岩在州西江外地勝景清爲零陵
最奇絕處零陵縣志巖在羣玉山側明嘉靖中改
名德星巖明統志云石壁所鑱先賢題識高下鱗
次窮日之力乃能盡閱俱見通志永志引盧臧詩序云
古有黃冠奉火星象後改僧廬此巖名所由昉也
田山玉曰以巖形象星故名則未足爲據矣通志
引一統志云羣玉山有洞曰宅仙永志云羣玉山
南有宅仙洞又西爲火星巖洞久荒塞明統志宋

郡守彭合新學舍得異石如鳳作亭覆之記所謂
鳳石者卽此三亭在縣東山之麓一曰讀書林亭
二曰湘秀亭三曰俯清亭唐縣令薛存義建柳子
厚有記見名勝志翻經臺不詳其興廢居諠時已
云故基則由來久矣柳拱辰武陵人皇祐六年知
永州尹瞻至和二年判永柳應辰拱辰之弟熙寧
七年判永永志謂十年任者誤蔣僅亦永州通判
元豐七年任程敏叔名博文鄱陽人見朝陽巖石
鼓山題名彼刻有行部湘東之語瞿氏謂官荆南
提刑轉運者劉資明名蒙臨川人時守零陵永志

謂紹聖元年任者誤邢和叔名恕原武人時監鹽
酒稅以上七人題名鐫詩諸巖多有惟邢恕史有
傳萃編已述之矣董居誼嘉定九年制置四川蘭
州盜程彥暉求內附秦州唐進與其徒何進等引
衆十萬來歸居誼俱卻之十年詔居誼便宜行事
十二年春召還七月竄永州此正其謫居時也陳
塏字子爽史有傳云嘉興人嘗知潭州兼湖南安
撫使提舉太平興國宮奉祠卒謚清毅著有可齋
畝藁二十卷采石磯有其題詩亦無年月則提領
江淮茶鹽兼知太平時所作錢先生謂在淳祐間

以傳證之知太平州後又改廣州權吏兵戶三部
尙書然後乃至湖南是此刻尙在其後味其詩意
亦非安撫時語氣殆奉祠居永之時晚年手筆約
在寶祐景定之間也趙時演王國望亦見羣玉山
題名餘無攷

封濟民侯牒

高五尺八寸廣二尺七寸六分奏十一行行四十九
字牒共十行行三十九字首行入字與牒字大小同
年月立石一行共廿六字正
書隸額失拓在屬縣清源鎮

中書門下

牒鳳翔府

工部郎中直龍圖閣知鳳翔府李昭選奏臣聞祭法

曰山林川谷能出雲雨見怪物皆曰神有天下者祭百神諸侯在其地則祭之亾其地則不祭又漢郊祀志湫淵陳祠天下山川隈曲往往有之臣本府管縣有九郿縣卽其一也縣有太白山山在縣南四十里謹按圖經所載辛氏三秦記云太白山在武功縣南去長安三百里不知高幾許俗云武功太白去天三百山下軍行不鳴鼓角鳴則疾風暴雨立至周地圖記云太白山上常積雪無草木半山有橫雲如瀑布則澍雨常以爲候故語曰南山瀑布非朝卽暮乃知茲山候雨自古而然神靈尸之宜有禱應也山有祠

廟不知建置之始唐世祀之正元中詔京兆尹韓臯
重修據柳宗元集中有碑具載靈應今錄柳碑于前
後唐清泰中復加繕葺國朝祥符三季專遣使修完
春秋邑令致祭列在祀典山巔有湫每遇歲旱府累
及他境必取水禱雨無不卽驗朝廷近季累遣內臣
投真龍簡臣自到任已來詢訪前後之異其事旣出
傳聞不敢寫錄今止具今季春夏已來兩次得雨親
驗事實所陳二事非臣獨視道路之人不可誣也伏
見朝廷恤民之意甚厚崇祀之志甚恭前件太白山
本前世欽奉之地靈貺昭晰今古所信靈湫在上顯

應如此其太白湫水欲望聖慈特加封爵臣兼聞慶
厯七季五月河南府王屋縣析城山聖水泉特封爲
淵德侯其例未遠可舉而行或蒙報可寔慰群願伏
候

勅旨

牒奉

勅禮云五嶽視三公四瀆視諸侯非有豐功曷膺上爵
太白山湫名山之下神龍所潛每遇旱暘必伸禱請能
爲霖雨以澤民田守臣有言蒙福甚遠宜降十行之詔
用疏五等之封以荅神休以從人欲宜特封濟民侯仍

令本府老官祭告牒至准

勅故牒

至和二季七月十三日牒

給事中叅知政事程

戶部侍郎平章事富

兵部侍郎平章事劉

吏部尙書平章事文

嘉祐二季三月一日將仕郎守鳳翔府郿縣令賈蕃

立石

行首嘉字與
前行部字齊

張遵鵠字

按此封太白湫神爲濟民侯昭邁舉慶厯七年聖水

泉封潤德侯爲例然真宗時已封通泉廟爲靈派侯
昭遘祇就仁宗時言之爾皇祐元年五月遣官祈雨
三年三月分遣朝臣詣天下名山大川祠廟祈雨至
和二年四月遣官禱雨故云朝廷近年累遣內臣投
寘龍簡碑列給事中叅知政事程者程戡也戶部侍
郎平章事富者富弼也兵部侍郎平章事劉者劉沆
也吏部尙書平章事文者文彥博也是年六月陳執
中罷彥博再相弼亦同入此爲七月十三日牒正與
史合通典天寶八載封太白山爲神應公故嘉祐六
年簽書鳳翔府判官蘇軾禱神得雨軾代守臣宗選

請於朝有云昔公而今侯是爲自我而左降乃敕封
明應公熙甯八年封福應王正元中卽貞元也禎爲
上名故兼避貞此牒嘉慶中吾友劉雨田用霖宰郿
拓贈金石續編

李昭邁昉之從孫史附昉傳深州饒陽人字逢吉
碑列銜與史合表稱周地圖記者隋書經籍志云
周地圖記一百九卷新唐書藝文志云周地圖一
百三十卷雜記十二卷皆不著撰人姓氏蓋失名
也表又稱正元中詔京兆尹韓臯重修據柳宗元
集中有碑具載靈應今錄柳碑于前當時碑已無

存故據集錄之歐趙兩家所由不載也然碑雖已佚文尙具全今柳文惠集祇載序言及碑陰而碑之正文不得而見矣碑陰列邑令裴均之政裴均承韓臯之命督修祠宇乃因其設廟立神而敘述治行之美同一邑令也碑之不存誰復知裴均之修廟碑之幸存猶可知立石之賈蕃可勿護惜哉正元中者貞元十二年也仁宗名从示从眞兼避貞禎禎徵等字時亦避正字王珪上書謂正月爲端月宮中呼正月爲初月然唐貞觀作正觀吳乾貞作乾正玉海內貞元皆作正元是貞改爲正之

確證續編載此碑故語曰曰作云今錄柳碑于前
于作於臣到任已來已作以或蒙報可脫可字非
有豐功豐作豐校勘疏略錄之以誌吾過馳書更
正或可補救昔非也

刻彥脩草書題記

五列列高一尺二寸許詩廿四行行字不一
書跋七行行入字字徑寸許正書在西安府學

深閨乍冷聞香篋玉筋微微濕紅頰一陣霜

風殺柳條

濃烟半夜成黃葉重、白練明如雪獨下閑階轉淒切
祇知挹杵搥秋砧不覺高樓已無月時聞塞鴈聲相喚
紗此字添注窗只有燈相伴幾展齊紈又懶裁離腸恐逐金

刀斷細想儀形執牙尺回刀剪破澄江色愁捻銀針信

手縫惆悵無人試寬窄時、舉袖勻殘淚紅牋謾有千

行字書中不盡心此字改中事一半殷勤託邊使

殘秋入洛謁

明君身事年來愧□□若說此生勤苦甚□閑□□是

何人此迴重入洛陽城又□皇恩賜一名仍此字改向

藥□字似師亭院住如斯誰與得成情以上

軋化中僧彥脩善草書筆力迺勁得張旭法惜哉名不

振于時遂命摸刻以貽同好嘉祐戊戌歲冬十月九日

司農少卿知解梁郡李不緒題

首十七字未見据全唐詩補注於旁潛研堂目云
乾化四年是首三行前尙有年月疑失拓一列也
而雍州金石記云碑二面每面作三層又謂肚痛
帖在此刻下方則碑無餘地尙容一列矣明如雪
全唐詩作如霜雪李丕緒史附其父士衡傳雍州
金石記誤作丕緒又誤貽爲招

義帝新碑

高七尺八寸廣三尺五寸廿一行行四十一字
字徑一寸正書篆額題義帝新碑四字在郴州

義帝新碑

蜀客張俞撰

將仕郎守邾縣令陳叔獻書

文林郎權知軍事推官劉良肱篆額

戡亂之謂武除暴之謂仁知人之謂智復讎之謂孝脩
四者以成大功則千三百年惟義帝有焉昔秦□□无
暴殄諸侯誑楚誘懷王□爲秦鬼遂并其國孥戮其民
故楚人怨秦痛入骨髓故曰楚雖三戶亡□□□及凶
亥熾虐四海沸騰羣雄號呼六國踴躍天乃覆秦□楚
力拯羣生於是陳勝得以假號項梁□□□□故義帝
起而制之天地震雲雷興龍蛇起虎豹騰復六國蕩三
秦遂使殺亥望夷誅嬰軼道昔曰秦□□□□今日楚能

滅秦天地否而泰日月晦而明亦若順乎天而應乎人也及項氏暴強怨不已用天下之□□□死生乃尊義帝徒郴遂沒不返哀哉夫天命在已則劉項爲臣僕天命既去則黠徒爲寇讎神龍□□□入檻漁童獵婦盡爲孟賁悲夫是以聖人慎名器之假人戒威權之在下畏強臣之立側懼姦宄之□□□能據勢以臨之執權以運之求賢以治之任智以謀之修文以勸之明刑以威之猶懼夫守而弗□□□亂況義帝起于擾攘豪桀始爭大運去來逐鹿未定勢不獨立權必投人哀哀楚心竟殞荒服□□□義數項爲詞雖非至誠

亦足感動天下矣夫其遣諸侯以誅暴亂可謂武矣出秦民於湯火之

開可

謂□□令沛公先入關以平秦可

謂智矣滅秦以復先王之讎可謂孝矣位雖不終功亦

偉烈雖少康

誅

羿□□□吳齊襄遷紀子胥鞭楚論德

比義我無愧焉嘉祐四年冬十一月適越至鄞觀廟升冢徘徊想象□不□□因感秦楚之事君臣強弱之變灑涕勒碑明其禍敗楚人來讀能無悲乎銘曰

天地否閉 聖賢吁噓 龍驤虎變 必逢其時

匪賢不謀 匪時不爲 □□□□ 庖鈞爲師

哀哀懷王 制命強臣 項稱西楚 劉王三秦

豺狼縱野

□□□□

勝旣死御 帝亦殞郴

故曰

大運去來

實天匪人

君平權乎

□□□□

得之爲神

失之爲鱗

亥願黔首

獻非虞賓

予登郴家

悲放絃而霑巾

通直郎守國子博士通判軍州兼管內勸農同提點

銀場公事騎都尉賜緋魚袋彭

舉

正

朝奉郎守國子博士前知軍州兼管內勸農提點銀

場公事騎都尉賜緋魚袋借紫張

允

張廉

在碑右下角當是刊石人姓名

右義帝新碑在郴州同治甲戌郴人陳學博

善埤

按得之拓以見遺碑在元重修義帝廟碑之陰而
標題云義帝新碑是碑陽固有文字已爲元人磨
去矣王象之輿地碑目有義帝碑不詳何代于奕
正天下金石志有漢義帝碑湖南通志据以列入
豈碑陽是漢刻邪歐趙洪皆未載僅見於司直之
書司直於漢碑無紀註於宋元碑並未載及闕疑
可也案漢書地理志郴縣南有義陵祠水經注郴
縣南有義帝冢內有石虎因呼爲白虎郡元和郡
縣志義帝祠在縣南一里墓在縣西一里明統志
義帝廟有州城西舊名義陵洞義帝冢在州治西

或云在州學後一統志楚義帝陵在州西南祠在
州南元重修義帝廟記云陵在郡之西祠庭改創
於宋之咸淳年間是廟之由來久矣湖南通志不
言廟所自建固不可攷而咸淳改創可据元碑補
之志載元碑不載宋碑職官志載張兌知郴州而
不及通判彭舉正推官劉良肱縣令陳叔獻皆可
据此補之

會善寺張景儉殘詩刻

高廣不計存十七行行
字不等行書在登封

□□知一宿狂

觀

屋十餘間齋糧不□

深愧塵勞迹解怡臨

寺

□刹共堯叟依巖竇砌龍

林□樂堪隨喜鍾磬聲清唄

紫雲洞

雲洞黃冠旣前導絳襦亦後□

仍高不知雙鳥重攝衣叩洞□

□用賞景未盡興向夕還旋踵

此行
無字

潁陽山墅

名韞賴此營山墅頻年到潁□

此行
無字

五年三月十六日游□

張景儉集賢校理

□南府登封縣

右石已殘缺後有張景儉名按嵩陽宮文彥博題
名後有張景儉名五年上所缺當是嘉祐字

嵩陽宮文彥博題名

方一尺六寸五分題名二行行三字字徑三寸許年
月二行行五字字徑二寸從遊人名一行九字字徑
一寸二分許俱正
書左行在登封

潞國公文彥博

嘉祐庚子三月十八日遊

張景儉

王趙陸經從遊

潞公有宿少林寺詩在此後月餘

太原景昇題名

高一尺四寸廣五寸七分三行
行字不一字徑一寸二分正書

嘉祐伍年五月十一日因往涇原等路太原景昇至此

記

右題名當在陝西而不見於關中金石記下方尙

有師聖二字疑是碑側

八瓊室金石補正卷九十九終

八瓊室金石補正卷一百

太倉陸增祥撰

男 繼輝校錄

吳興劉承幹覆校

宋 十九

九龍巖題刻四十一段

在東安蘆洪砦

王汾詩

高一尺四寸廣一尺二寸五分八行行八字
字徑一寸三分銜名一行十四字年月一行

十三字字
較小正書

游龍巖精舍

光祿寺丞知潭州湘鄉縣事王汾上

暫到

靈巖頃刻間
籃輿還促度
前山我今吏役羞前輩
勝地逢僧不得閑

嘉祐五年庚子孟秋二十□日題

右王汾詩刻二十下永志作八字已泐矣王汾爲

湘鄉令通志職官失載

余靖等題名

高二尺七寸五分廣一尺五寸六
行行十一字字徑二寸許正書

廣西體量安撫使副

余靖賈師熊嘉祐五年□

月十九日再游喜公九龍勝槩崇班張均文興供奉官
已下張守約趙璞陳和李規趙遂從游璞奉台旨書

右正書六行其銜稱使副蓋合賈師熊而省書必靖
使而師熊副也喜公僧名潯陽陶羽有贈喜公詩當
亦在此時金石審

右余靖等題名永志誤已為以賈師熊見宋史溪
峒蠻傳張守約字希參濮州人嘗為廣南走馬承
受公事當儂寇之後詣闕陳南方利害皆見納用
歐陽修薦其智略權知融州此刻蓋在入粵之先
也

章詢詩

高二尺四寸廣一尺二寸八行
行字不一字徑二寸二分正書

接

宣撫偕道正訪

九龍巖主喜師率成

二十八字

大理寺監永州市征章詢上

閑攜羽客訪

靈巖巖透山光秀潑藍

星使未來村館近爲師終日絆征驂

右刻正書八行參差不齊其舉書處如二十八字及
靈巖皆無謂蓋詩本不期入石元紙短而寺僧裁接
爲長幅致高下失倫也喜僧之名見重士夫如此而

志皆不載其所箸亦失傳惜夫此詩在陶羽之前而字若出一手疑羽書也

金石審

右章詢詩刻章詢見平蠻三將題名碑蓋始官於永後隨余靖入粵者此詩當同時所作永志既錄入金石略復載於名勝志而詩易六字殊無謂也且指章詢為元人更謬

陶羽詩

高三尺廣一尺二寸九行行廿字字徑一寸二分正書

古歌贈

巖主喜公

潯陽陶羽上

喜公心眼如有靈善擇此巖來構扃崖根踏碎暮煙碧
洞門鑿破蒼苔青交加亂石虎狼隊蹤橫怪木龍蛇形
其間可以松蘿招隱雲霞放情傲復傲兮何富貴恣復
恣兮閑利名況乎神虬勇背俟風雨靈龜垂首思雷霆
崑中有石如龜龍之狀故有是句我今方爲少年英青山未有歸去心
他時致堯功業成與師高卧白雲深

右刻正書題三行詩六行與周子題名共一石而在
其前不著時代總當在周子未至之前也案喜公名
已見於仁宗時題名此詩度刻仁英二朝之際故附

列於此

金石
審

右陶羽詩刻縱橫作蹤借用字永志改作縱非利
名二字永志誤倒神誤作龍注內脫故有是句四
字茲悉正之勇背之勇亦借用字以上二刻皆無
年月其與余靖同時所作固未敢定均有喜公名
附余靖題名之後

朱壽昌題名

高一尺五寸廣一尺二寸六行
行八字字徑一寸三分正書

比部員外郎朱壽昌康叔被命寬恤卒路民力遇此
因稅鞅遊九龍洞時嘉祐六年辛丑夏四月二十五日
也姪造□□

案宋史朱壽昌天長人富弼韓琦爲相遣使四出

寬恤民力擇壽昌使湖南或言邵州可置冶采金
有詔興作壽昌言州近蠻冶若大發蠻必爭自此
邊境恐多事且廢良田數百頃非散本抑末之道
詔亟罷之即此題所稱被命事也

周子題名

高一尺四寸有餘廣三寸兩行
行十二三字字徑一寸正書

治平四年五月七日自永倅往權邵守同家屬遊春陵

周惇頤記

在縣北一百里唐宋名賢遊此者衆治平四年元公

自永往邵刻石以志

湖南通志
東安縣吳志

右刻在陶羽詩之左小正書二行蓋行次促迫留題

不似諸巖之謹嚴也

金石審

右周子題名在元豐年朱或題名之右

蔣忱記

高四尺五寸廣三尺三寸五分廿二行行廿九字字徑一寸二分上石一行四十字正書

額題永州九龍巖記
六字古篆橫列於上

永州九龍巖記

將仕郎試秘書省校書郎廉州軍事判 蔣忱

撰 儒林郎行零陵縣主簿張處厚書 將仕郎

守零陵尉韓 家亨篆額

予尉清湘之二年零陵縣令梁君宏書抵予且夸大九龍崑泉石之勝屬予為記予為未人尤嗜山水而足未

嘗及所謂九龍崑者疑其書辭之過實方將走介以訊
其是非未幾又繪爲圖以相寄予以事役未暇留意於
翰墨而梁君已解去今年夏四月予用廣西帥辟就移
廉幙東歸永欲縱觀所謂九龍崑會湘水漲而崑阻大
江又不得遂其願焉及赴官至桂林一日之間併得零
陵主簿張君處厚二書皆以崑記爲請則予之文不可
靳而不發於此時也予始按圖考崑之所在自州直北
百里而近有寺曰洪陵寺傍有山曰九龍山崑乃在其
下山之上有池可以釣山之下有井可以汲翠峯欲活
峭壁如削其間嵌空寬廣座可容數十人蔓有藤圍有

松竹皆見于圖予疑古有隱君子棲焉不爾造化烏乎
設此而久爲荒閑無所用之地者耶至於霜晴而石乾
雲蒸而雨滂夏日火烈而崑風自清冬雪滿空而崑水
不冰此又非摹寫所能至也予始知予之不遊爲失而
嘆茲崑之不遇也凡零陵山水之著人耳目者尤多若
浯溪朝陽洞法華寺石門最爲卓然者則元次山柳子
厚嘗見於文字有澹山崑者又殊絕而二子且不到晚
有李西臺詩焉此其著人耳目盖有所謂三子文章所
及而得耀於今爲奇觀好事者又藉以大其說獨茲崑
之不得其傳可不重惜歟開山者浮圖曰元喜也治平

始賜寺額曰壽聖院改洪陵也噫崑寺之興自景祐厯治平餘三十年方賜名額繼又得邑令佐渠渠於文記豈非時乎世傳昔有九道士從崑而隱此又非予所能考信也姑迹其舊名而爲之記云熙寧元年五月五日

新廣南東路轉運判官朝奉郎尙書駕部員外郎前通判永州軍州事上騎都尉賜緋魚袋周惇頤上石

汝南周甫刊

在首行標題之下

右刻正書二十三行筆法謹嚴昔人未見前陶羽章詢所贈詩喜公者於此始知其名元喜也忱零陵人

縣志載爲治平四年許安世榜進士此云尉清湘之二年蓋登第後除尉其明年辟廉州幙與志正合周子本傳熙寧改元用趙抃呂公著薦爲廣南東路轉運判官此刻於將去永州之時題衙亦與史合記爲五月五日所作攷濂溪志又周子生日崑之遇合亦奇矣

金石
審

右蔣忱記永志座作坐墮作意均誤張處厚韓蒙亨兩人省志職官俱未載記云壽聖院改洪陵也永志寺觀云洪陵寺在獅子嶺左今廢案獅子嶺在縣東南有朱陵崑古有朱陵寺南北相懸宗氏

誤以朱陵為洪陵矣壽聖院亦失載宗氏既見此

記何疎於檢點耶

陶輔相佛殿基題記

方一尺六行行七字
字徑寸許左行正書

郡下陶輔因

周運判駕漕請同郡主喜公相九龍壽聖院佛殿基時

熙甯元年季夏初二日奉遷訖輔記

右陶輔題記陶輔字佐臣見涪溪題名周運判當

即周子時為廣南東路轉運判官壽聖院已見前

高秉等題名

高二尺三寸廣一尺九寸五分五行行
七字字徑二寸五分末有書人名三字

字徑寸
餘正書

提點刑獄公事高秉平叔高遵治公弼因按屬部同遊
九龍巖時熙甯元年十月十七日題

蔣式書

右刻正書五行前人未見提刑何以有二人且並行
按屬二人宋史皆無傳湖南省志俱佚其名惟宋史
外戚傳有高遵裕為高瓊之孫其弟曰遵諲遵治或
其從舅歟存以俟攷金石審

右高秉等題名蔣式所書永志遺去三字殆失拓
一行耳書法酷摹平原

關杞題名

高一尺八寸廣一尺五寸五行
行六字字徑二寸許左行行書

新提舉廣西常平太子中允關杞尉宗游回訪喜師熙

甯四年二月十三日題

右關杞題名列銜云新提舉廣西常平太子中允
蓋以太子中允之任桂林道經題此也澹嵒有其
題名在此後三年署銜稱前提舉廣西常平太常
寺丞則其去桂時所題關杞官桂林三年也廣西
白龍洞又有其題名在元祐四年當是重至桂林
時所題浯溪亦有其題名瞿氏跋云攷蔚宗於熙
甯六年官廣西提舉常平見臨桂龍隱巖題名在
此題名之前一年又宋史南蠻傳云元豐三年知
邵州關杞請於徽誠州融嶺擇要地築城砦以絕

邊患則蔚宗又嘗官荆南而有政績者

孫頥等題名

高一尺六寸廣一尺六行行六字
字徑一寸三分正書四周有花紋

提點本路刑獄公事孫頥景脩朱初平仲隱偕遊廬洪
洞九龍巖時熙甯癸丑孟冬旦景修題

右孫頥等題名孫頥長沙人見劉摯集云孫頥字
景修號拙翁成象子咸平間進士知桂陽軍遷湖
北轉運使終太常少卿以才顯於世少孤受教於
母爲賢母錄以致其思又桂陽州志云拙翁巖在
州東鹿頭山脊宋孫頥嘗遊此以拙翁自號刻銘
其上頥英宗時知桂陽監瞿氏輯湖南通志据以

錄入金石今未見拓本据此刻頌又嘗提點本路
刑獄通志職官僅於英宗朝載其爲桂陽監由未
見此題名耳朱初平嘗爲湖南路轉運使見宋史

梅山峒蠻傳

陽巨卿題名

高一尺五分廣一尺一寸二分六
行行六字字徑一寸二分正書

河陽節度推官知零陵縣事楊巨卿信甫同縣尉盧綜
賁道熙甯八年五月初二日嘗遊因識

蒲宗孟題記

高五尺廣二尺七寸十行行十
三十四字字徑二寸六分正書

南隆蒲宗孟自零陵按邵陽約京兆朱初平高郵喬執
中游九龍崑二君皆以事不來而屬官陳瑄相遠一舍

畏暑疾喝遲遲於後且未至迴視石間見王璩鄒庸黃
轍黃寔題名又悵四人者已先去余終日徘徊獨行危
坐無朋儔相與同一時之樂盛夏大熱雖崑中瀟灑可
愛然意有不足者遇此勝處殆亦不能放懷自適矣熙
寧八年六月二十七日題

右蒲宗孟題記宗孟宋史有傳字傳正閬州新井
人熙寧初以集賢校理奉命察訪荆湖兩路奏罷
辰沅役錢及湖南丁賦遠人賴之此題正其奉使
察訪時也史稱新井人此刻自署南隆與史不符
朱初平已見前孫頤題名內時爲湖南轉運使喬

執中時為運判史亦有傳字希聖高郵人安石引
編修熙寧條例選提舉湖南常平章惇討五溪檄
執中取大田離子二峒路既險絕期且迫走一校
諭其酋即相率歸錄功當遷秩請還贈父母就徙
轉運判官章惇經制蠻事在熙寧五年執中當尙
未徙運判而諸蠻傳已云判官喬執中矣通志職
官不載其為運判當補之陳瑄莆陽人見後省府
志職官均不載不知是東安令否王璩鄒庸黃轍
黃寔四人俟攷其題名未見拓本又案名勝志東
湖在零陵縣東山之西熙寧間蒲宗孟奉使荆南

與朱思平喬執中彭次雲李士燮暨官屬來游題
名瞿氏輯湖南通志據以錄入而石刻已佚矣思
平當是初平之誤

蒲宗孟詩

高九寸三分廣二尺四寸五分四周有界
線十九行行九字至十一字不等字徑六

分正
書

虛崑蒼壁古苔斑瀟灑清深六月寒三伏流金無處避
暮天將去更盤桓

老僧棲息亂雲顛鑿石開山四十年投得崑成身老大
更無筋力到崑前

人言道士隱深山九煉丹成去不還乳溜滴成華蓋座

金石錄卷一百一十五
一 希古樓刊
猶疑真相在崑間

欲尋微徑到山前聞有蛟龍洞底眠歲旱密雲終不雨
可能無意救荒年

九龍崑在永州盧洪驛南十里熙寧八年六月二十

八日

下空

察訪蒲公來遊作詩四篇屬官陳瑄以帑本貽知州
事李侯侯命刻於崑石

右蒲宗孟詩李知州刻諸石省府志職官神宗朝
知永州者有李士燮李傑俱在熙寧以後知道州
者並無李姓其人惟永志東安表熙寧時有李逸

名八年任或即此刻之李知州誤爲東安令歟詩
云鑿石開山四十年則此崑開於景祐間與蔣忱
所記合

田仲方等題名

高七寸七分廣五寸四行
行九字字徑五分寸正書

軍事推官田仲方愔道守縣尉盧綜貫道熙寧八年歲
次乙卯十月十二日檢旱憇此謹誌

田仲方任推官省府志均失載

柳應辰題記

高一尺六寸廣一尺四寸九行
行十一字字徑一寸三分正書

人之安適夷曠繫於內不繫於外故有居山林而躁者
在朝市而靜者必若心源湛寂世累踈薄又得幽絕之

境以輔助之宜乎安於自得蕭然乎塵垢之外則零陵九龍巖其亦輔助之一焉熙寧九年丙辰二月十九日尙書職方直外郎通判永州柳應辰記

記云零陵九龍巖是時屬零陵也三門洞豐蔭題記云舊屬零陵今隸東安九龍之隸東安當在同時

李茂宗題名高一尺四寸廣八寸四行行七字字徑一寸五分正書

廣西軍興縣令李茂宗按視驛鋪因游九龍巖時熙寧九年六月望日題

右李茂宗題名案是年交趾入寇詔遣郭達討之

此題首云廣西軍興蓋即其事李茂宗通志不載
府志列於治平朝云三年任司法參軍今此刻在
後十年自稱縣令何也

陶弼詩高二尺廣一尺七寸八行前四行行八字字
徑一寸七分後四行行七字字徑一寸四分

行書

巖有真龍卧未醒此龍於物本無情可能暫起爲甘雨
洗我征南十萬兵

熙寧九年秋七月初五日尋陽陶弼題壻嚴介
孫同外孫謝甫侍行

陶弼九龍鼎詩拓本漏佚今東安唐秀才從巖中錄

得寄門人蔣元甲未及補拓姑附錄之弼以征蠻著
具見本傳觀其詩已可知其人矣金石審

右陶弼詩永志誤可爲有後脫十一字案史本傳
陶弼字商翁永州人湖南省府志云祁陽人而此
題目署尋陽與史志均不符

陳瑄題名高一尺二寸五分廣一尺四行行
六字七字字徑一寸五分正書

蒲陽陳瑄之安南過此覽舊題徘徊久之熙寧九年九
月五日

行書四行舊題一石未見爲恨金石審

右陳瑄題名陳瑄官永見蒲宗孟題記案史神宗

本紀是年正月交趾再陷邕州知州蘇緘死之二
月以郭達為安南招討使趙高副之詔占城占臘
合擊交趾然則陳瑄此行殆以兵事去邪

趙揚題名

高一尺三寸廣八寸五分前四行行八字
字徑一寸三分後一行十字字徑八分均

正書

荆湖南路轉運判官會稽趙揚充道按全永歸遊九龍
巖熙寧丁巳春三月甲子題 延安武舉進士曹渙同
至

右趙揚題名丁巳為熙寧十年永志渙誤作奐澹
巖有其題名與此同時萃編已載之矣

淵冲子觀磨崖說

高三尺八寸廣二尺七寸九行行十一字字徑二寸五分末小字一

行三字字徑五分正書

淵冲子觀磨崖有言

身非百年而以姓名歲月刻於石者必知身不如刻之
永也惟高才重德有聞於時者世世愛護能使幽晦之
境遂亦名出不然墨蠟尙新已爲錢毀磨而復刻刻而
復磨其刻愈勤其磨愈敏重磨疊刻無有窮時噫名不
可不貴也

周甫刻

右正書九行字雄厚古朴懸筆正鋒必熙寧以前所
書後來佻巧之習從風而靡卽有一二習顏書者皆

不及其用筆之自然書雖小學其爲風氣所轉移如此斯人爲誰吾不能知盧臧張處厚之外不復多得故姑附諸熙寧之末以待攷證焉

金石審

右淵沖子觀磨崖說左方下角有周甫刻三字永志未載殆拓工所遺耳周甫卽刻蔣忱九龍巖記者永志列此於熙寧末是可從也火星巖亦有淵沖子題句云尋勝閑題意歸於默不能思之觀崖之北未得拓本附識之

曾布題名

高二尺廣一尺五寸六行行八字字徑一寸六分行書

龍圖閣直學士朝奉大夫曾布自廣西移師隴右元豐

三年十月十三日過此男縷縷纒紆綯壻王良肱甥王
細縷侍行

右正書六行布以附王安石呂惠卿進用後復以沮
新法見忤黜知饒州徙潭州改廣州元豐初以龍圖
閣待制知桂州進直學士知秦州此云自廣西移帥
隴右正其調秦州時所題惟師從巾而此從市似師
字攷當時並無兵事則俗書也案布一生首鼠兩端
既得罪於君子復取忌於小人名傳二惇之間了無
足取顧其在元豐以前颯然以逐臣自命自此一移
而黨禍日熾宋轍遂東存此以志小人道長之時會

也金石
審

劉溫詩

高一尺六寸廣一尺二寸六行行七字字徑一寸五分標題小字二行行八字字徑五分

正書

留題九龍崑

三任湖湘悵移桂林元豐庚申中口口口日

通判桂林劉溫

繡嶺如屏倚梵宮九龍疇昔隱崑空湖墻膝檠嬉遊遍

名窟勞生西復東

右劉溫詩自註云三任湖湘而其名不見於省府

志不知何職庚申爲元豐三年

馬默題名

高一尺五寸廣一尺二寸六行行七字字徑一寸五分正書

權廣南西路轉運副使朝奉大夫馬默同姪紀男婆壽
遊九龍巖元豐四年九月二十一日處厚題

右刻正書六行學顏而用側筆者也攷宋史本傳默
字處厚城武人少從石介學石謂他日必爲名臣知
須城縣張方平恒閉目不與掾屬語見默白事盡行
其言治平中爲御史裏行直言無顧神宗即位以論
歐陽修通判懷州除知登州徙曹州召爲三司鹽鐵
判官論新法出知濟兗二州遷提舉三司帳司神宗
將用之大臣不悅以提點京東刑獄改廣西轉運使
終河北都轉運使此殆其赴廣西時所題惟史云改

轉運使而此作權副使與史文異然直節凜凜其書

乃鋒穎峭厲如其爲人斯可重矣默子純仕高宗朝

距題名時七十年婆壽蓋其孩抱時小名也

金石審

朱或等題名

高二尺六寸廣六寸前二行行十字後一行十四字字徑一寸五分正書

邑尉大梁朱或仲文東安佐建安鄒向道原浚幹因遊
此巖元豐壬戌孟夏六日丁巳記

右朱或等題名永志誤日爲月首云邑尉下云東

安佐則朱或或非東安尉也朱或鄒向省府志俱

未載

齊謹題名

方一尺一寸五行行七字字徑一寸二分正書

新江南東路轉運判官齊諶子期自廣西赴任過此因遊九龍巖元豐六年三月二日題

右正書五行題刻皆劣下刻蔣若本三字或刻工名

也金石審

鄧煥題名

高一尺廣一尺二寸五行行五字字徑一寸八分正書

零陵邑佐長沙鄧煥用晦公檄過境獨遊元豐甲子端

午日題

右鄧煥題名甲子爲元豐七年鄧煥名不見於省

府志職官通志選舉內元豐五年黃裳榜進士有

鄧煥湘鄉人其字從水疑卽此煥字之誤登第後

即除邑佐也

阮之武詩

高一尺九寸廣一尺三寸五分六行前行十字字徑一寸七分後三行行十二字

字徑一寸二分正書

野老相傳有九仙嘗遊此地忽昇天霓旌鶴馭今何在
千古空巖鎖暮煙

靜海阮之武子文倅郡零陵行縣遊廬洪九龍巖紹
聖改元甲戌歲七月七日題□以正其名

右行書六行在九龍嵒九仙蓋子文所命也

金石審

右阮之武詩之武名屢見於永郡諸巖石刻哲宗
以是年四月改元紹聖題名在七月故稱紹聖也

永志盧作蘆非是盧蘆可通用而見於石刻者均
不加艸頭

黃朝散詩

高一尺二寸五分廣三尺三寸共三十五
行行字不一字徑五分後四行較小行書

金鱗玉角照人寒何事

清時此蟄蟠甘澤不辭膏品物奚慙濟、舜朝官

右行縣憇九龍巖宣和三年辛丑歲孟冬二十日

臘盡春來氣應和豐年嘉瑞作民歌一盃龍洞梅花酒

□破牢愁埒太阿

右再過九龍巖

龍巖重到臘殘天欲訪丹成行滿仙因覩

魯公題刻妙氣騰忠誼拂雲煙

右觀丞相曾公為桂帥時經過留題

寸心憂旱隱如焚默念信心閔雨勤

得太守同簡報初六日迎神祈求

欲到九龍巖數里需然甘澤副油雲

右將到巖洞油雲忽作驟雨滂霈四年七月八日

驟雨滂沱若救焚痛瘖時暫慰勞動若教千里均霑渥

多稼看、勝□雲

右得雨移刻即止惜乎不廣

采□形相異為仙識性誰知共一天澤物度人均是道

瑞昭千載起祥煙

右和阮倅正名九仙

不為魚計伏藏深鳴和奚慙鶴在陰

雲從龍油然而作則雨霈然而下

千里秋苗如普潤何妨信史一書霖

右和士曹曹文林

省

題九龍崑

沐雨衝風夜向晨九龍巖畔報中春行庖一供山僧飯
下咽甘□不笑貧

右五年二月朔投曉到巖寺適值亡女忌日因而

飯僧

伏承

通判

朝散黃公

按部過九龍巖書詩八首文照

不敢秘藏謹刊于石
昔宣和五年癸卯歲三月望日
住持僧文照□記

官志宣和年無黃姓判永者莫攷其名矣

曹省詩

高一尺一寸廣一尺八寸詩四行行七字字徑一寸許前六行字徑六分後二行字徑五分

行字均不一行書

壬寅七月二十二日予回過東□少休壽聖時秋陽

炎亢大□可憂遂題是絕以謁

靈巖如有其靈一需膏澤以惠斯民南康曹省香曾

書于寺之南軒

英靈何事卧雲深
一舉曾空萬里陰
阡陌相望苗就槁

蒼生應待作商霖

宣和五年癸卯三月二十日九龍□壽聖院住持僧

文照上石

曹省名不見於官志黃朝散詩題內稱為士曹

錢懷哲詩

方一尺四寸五分標題四字字徑二寸許行書詩四行行七字字徑一寸四五分正

書署銜及上石

兩行均小字

題九雲巖

朝奉大夫通判永州軍州同管勾神霄玉清萬壽宮

兼管內勸農事錢懷哲

瀟湘行邁遇初秋何幸因官得一遊無異醴陵三室洞

九僊羽客是吾儔

宣和五年癸卯七月二十五日住持僧文照上石
右行書五行小字署款二行九雲巖即東安九龍巖
也金石審

右錢懷哲詩刻澹巖亦有其題名後此一年懷哲
判永州通志未載永志亦不詳其里貫云省志作
機哲案錢機哲通志列於太祖朝殆別一人也三
室洞在醴陵工仙山一名大山後漢書五行志醴
陵縣大山大鳴如牛响聲即此荊州記云縣東四
十里有大山山有三石室又名王喬山隋書地理

志體陵有王喬山明統志云世傳王喬鍊丹於此
上有三室洞

黃仲堪題名

高一尺五寸五分廣一尺三寸五分七
行行七八字不一字徑一寸五分行書

雙井黃仲堪覽民自零陵行縣經此值太平進老同遊
巖主照師藝香烹茶使人癡然有僊意孫適侍行靖康
元年孟冬戊午日題

右黃仲堪題名仲堪山谷之弟浯溪有其題名與
此同時特差數日耳照師名文照

胡寅等題名

高一尺四寸廣一尺六寸六行行六字
末行七字字徑一寸五分又上石一行

十六字字徑
四分並正書

莖夷胡寅寧宏侍家府自邵之春陵過此門人江陵吳
郭湘潭黎明從紹興元年十二月初六日

永州東安縣九龍巖壽聖院僧 文照 上石

右胡寅等題名寅寧宏安國之子寅本安國猶子
安國妻取而子之崇安人寅字明仲寧字仁仲宏
字和仲題名所稱家府者蓋即安國也紹興元年
安國以中書舍人兼侍講入對獻時政論十二篇
會除朱勝非同都督江淮荆浙諸軍事安國奏以
爲不可遂改除侍讀安國復持錄黃不下呂頤浩
稱勝非曾調護聖躬特命黃龜年書行安國自劾

落職提舉仙都觀五年除徽猷閣待制知永州辭
不赴詔奉祠提舉太平觀又案寅宣和中登甲科
靖康初除校書郎遷司門員外郎棄官歸建炎三
年張浚薦爲駕部郎官上書高宗呂頤浩惡其切
直除龍圖閣主管江州太平觀尋知永州紹興四
年召爲起居郎遷中書舍人賜三品服其後復除
徽猷閣待制知邵州改集英殿修撰知嚴興永州
召爲禮部侍郎又案甯初蔭補官召試館職除敕
令所刪定官俄遷太常丞祠部郎中官出爲夔路
安撫司參議官尋知澧州主管台州崇道觀又案

宏以蔭補右承務郎不附秦檜引疾去此題名在
紹興元年十二月安國當已落職殆寅主管太平
觀之時尙未知永州故得侍父隨行其云自邵之
舂陵不知何事其時筭居何職亦未可臆定也永
志職官紹興年知永州者首列安國次即寅未知
所据果爾則此題名正安國知永州之時然與史
不符据史則安國除永州在紹興五年且未赴詔
寅知永州在紹興四年以前元年十二月當尙未
知永州有以俟考又案是年十一月叛寇曹成執
安撫使向子諲進攻道州十二月道州陷守臣向

子恣棄城走時有兵事而胡寅等正往舂陵何也

艾洪詩

方二尺十六行行十
四字字徑寸許正書

九龍山高百尋閒 九龍之岳宵且寬 可容萬馬更

餘地 滴凍石乳堅莫鑽 十里層崖聳擁至 貧簷

疊翠仍檀欒 六丁何年鑿地鐸 驅遣造化從開端

我方揚輿出塵鞅 搜索異境凌霜寒 一朝登臨

謁竒特 肅容歛衽成三歎 也知斯名本副實 嚴

邃豈止羣龍蟠 洞天此合居其一 緬想深靈儲僊

官 龍兮龍兮聽我言 豈可潛伏而久安 直須起

作商家霖 傳崑事業斯無難 君不見下 往時豫

章題淡山 俗子翳塵了不干 淡山之崑固可取

九龍之崑亦足觀

寄書九龍崑廣福院紹定戊子孟冬中澣後七日

菊坡艾洪可大當代住持僧 妙性 上石

右艾洪詩艾洪無攷詩云我方揚輿出塵鞅又云
豈可潛伏而久安似罷職者所寄託廣福院志不
載戊子為紹定元年中澣是月之二十日後七日
則二十七也

張大年題名 高二尺五寸廣一尺五寸五行
行十字字徑二寸三分正書

東安邑令張大年奉帥檄平蔣寇就廬洪置司撫定鄉

民公事了暇同飛虎統軍陳德劉戴策馬觀九龍巖時
淳祐壬寅十月下澣

右張大年題名壬寅爲淳祐二年張大年令東安
省府志均列於度宗朝得此刻足證其誤案史淳
祐四年七月盜發永州東安縣飛虎軍正將吳龍
統制鄭存等討捕有功詔補轉官資而此刻所謂
平蔣寇者不見於史豈寇發於二年至四年而盪
平史叙獎功之典故系於四年七月邪陳德劉戴
無功故史不及之邪存俟再攷文云就盧洪置司
攷唐時永州有雷石盧洪二戍宋初永州有福田

樂山零陵東安諸砦道州有楊梅勝岡錦田諸砦
是盧洪舊爲戍所而立砦置司則自淳祐二年始
至今尙存其名并因舊制設司皆修志乘者所當
知也飛虎軍勦於辛棄疾事在乾道四年鄉鄉之
俗字

劉夢符詩高一尺四寸廣一尺一寸四周有界紋共
七行詩四行行十字字徑寸計前後三行
行字不一
均正書

夏日游九龍宮此行字徑
七八分

迪功郎零陵縣丞衡之末江劉夢符此行及末行
字徑五分

突兀靈宮古 紆回石磴升 地幽忘日烈 壁峭喜

雲蒸 峯頂池如月 山根水欲冰 摩挲可鑄甌

大字紀中興

寶祐四年丙辰仲夏念四甲寅日謹題

右刻七行讀廿為念代廿古人所未有也金石審

右劉夢符詩夢符無攷其為零陵丞亦不見於方

志永志載此刻脫縣丞衡四字

朱穎叔題名高廣各一尺一寸五分五行
行五字字徑一寸二分正書

大理寺丞朱穎叔簽臨賀幕至此趙景臣同游壬子四

月初五

馬玘題名高一尺三寸六分廣九寸五分
四行行字不一字徑寸許正書

尙書郎合肥馬玘德之棧刑廣西與進士吳復無悔同
游九龍洞

壬子六月十四日

右刻正書四行年代惟寯字略有形似以前馬璟題
名案之當爲熙寧五年也

金石
審

右馬玘題名洞字下並無字蹟宗氏以爲熙寧五
年未足徵信當附於淳祐十二年宋代最後之王
子也

高至端題名

高一尺廣八寸四行行四字
字徑一寸五分正書左行

江陵高至端來游丙辰十二月初三日題

案右刻正書四行不著年號其人無可攷審字尙近
顏書疑非南宋人所爲姑附於此

金石審

右高至端題名永志列於熙寧九年未足徵信要
其爲宋刻無疑附宋代最後之丙辰寶祐四年永
志至作正亦誤

李得之詩

高廣各一尺三寸五分前六行行十二字
字徑四分詩四行行十字字徑七分正書

癸亥之秋九月晦日同

□□□

東

牛兼善規田

還

□□□□

大名田仲平訟檄留此

□□□會小

憩巖下裴回不能去聊書短述

廩延李得之

露霽雲□爛岑岑洞穴幽黃衣無□士陳迹□千秋本
爲征塗憩還因爽氣留塵緣吾未斲歸路晚颼颼

右刻但書癸亥不箸時代諸人姓名又不見於志
無由定爲何朝要爲宋刻無疑東下似實字又似
賓

衡陽陳某詩

高一尺七寸廣一尺四寸
八行行十字字徑寸正書

留題九龍巖

權零陵縣主簿衡陽陳□□

里俗相傳有九龍昔年栖隱此巖中煙霄一去□□隔
石戶雙開舊徑通月影日光東北近泉聲山色古今同

何當便脫卑凡累來伴僧閑論苦空

右刻無年月人名已泐永志官表零陵簿無陳姓者莫可攷矣元祐間有陳寬夫是尉而非簿覆審拓本亦絕不似寬夫字

右九龍巖題刻四十一段在東安蘆洪砦攷九龍巖在縣北百里山形陡起奇石錯立巖中物象畢具出泉寒冽巖旱邑人齋沐丐其水以禱雨巖前有池巖門高敞循磴而下有隙僅可容身虵行而入方廣闐靜相傳有樵者遇黃衣九士謂曰吾九龍居此久矣言訖不見宋王觀嘗述其事以爲詩

巖中石刻木夫先生輯通志未及搜羅僅據縣志
列王觀詩周子題名二刻宗滌樓輯永志採訪得
廿一段而王觀詩無存焉茲就所得錄之倍於宗
氏矣王觀詩度已不存

沈文罕修塔題字

石高九寸五分寬三寸五分五行行十九字正書

大宋國蘇州長洲樂安鄉清信奉三寶弟子沈文罕并
男宥從合家眷屬等時嘉祐五年九月日捨金銀書金
剛經一部爲當年水大募緣修模寶塔一所爲願報答
四恩三友法界衆生同成佛道

同勾當人周延祐陳遇衛宗爽徐宗詠等

甌塔石函題字正書嘉祐五年九月沈文罕建出蘇

州府宮巷塔中

潛研堂金石
文字目錄

此刻舊在元妙觀前宮巷口塔中今藏古泉山館製

爲硯

瞿中溶吳
郡金石目

八瓊室金石補正卷一百終